

閩都記卷之三十二

郡人 王應山 纂輯

郡北羅源勝蹟

逾侯官丁山八十里而遙爲羅源縣環縣治爲儒學城隍廟沈尉橋南岸橋河泊所西溪菴縣前舖崇德橋陸引宅環玉館余光庭宅登高山忠烈祠普賢堂南庄背社稷壇羣玉峯水陸寺林興祖宅林懋孫宅迎恩亭仙人石鶴與陳顯伯墓杞舖鄭伯淵宅稔亭後山亭仁壽井山川壇勸農臺起步橋天慶觀丹陽公館溪口橋余家塘天妃祠文殊山尖山南華洞簾山飛來石仙茅山洞仙山仙泉井羅

卷三

求放心齋

川一明山四明橋金粟寺翠雲橋上梅嶺金鐘山禹步石余元泰宅龍湫白塔禪寺下梅嶺蓮花山聖水寺逍遙洞石鼓崇壽寺水利渠太白巖石八仙娘巖九龍溪順懿宮天堂山匹石巖龍興嶺英惠廟黃沙溪雙溪渡萬石山昭祐祠巨濟祠南灣巡檢司烏巖山金爐嶂

羅源縣在東戴坑去郡城百五十里唐大中元年析連江一鄉爲羅源場咸通間又析閩清縣治益之爲永貞鎮五代閩改鎮爲縣宋天禧間改永昌乾興間始稱羅源縣建於雙溪之間慶厯間移今所迄元 國朝因之編戶一十四里羣玉峙其北印與浮其東蓮花在其南仙茅障於東北控負巖巒襟

帶陂澤邑居嵐氣如飢民山耕海漁僅僅自給古名永貞永
冒廣七十里袤九十里東抵寧德四十五里西抵連江二十
五里北抵古田一百八十里南抵連江三十五里宋設三鄉
領十三里元析爲三十六都 國朝分城內爲二隅外十二
里統圖一十有六宏治中令徐珪翔城嘉靖中令陳諤折而
新之延袤三里許高一丈五尺厚一丈一尺周一百一十有
三丈闕門四東曰賓日西曰承金南曰阜熏北曰朔易縣署
宋慶厯中令陳傅翔 國朝洪武初因元制而新之堂之東
爲預備倉成化宏治嘉靖間修葺布政分司在甸宣坊按察
分司在縣治右守館在城隍廟東醫學在縣治西際留倉在

卷三

二

求放心齋

沈尉橋之北陰陽學僧道會司並廢 明傅汝舟遊羅源縣
貼貼馴家鴿引我入山郭羣峯儼獅虎乍對欲相攫金鏡無
時鳴鐵嶂不可鑿煙氛日迷濛山海物交錯雖然廬井稀俗
尙亦不惡老翁偶相見邀入把盃酌一笑謝老翁莫言禮數
薄 謝肇淛羅源道中春色樹雲繁濤聲萬壑喧城圍山作
縣屋倚石爲門遠澗當橋斷斜陽礙嶺昏孤猿與斷雁無處
不消魂

儒學在縣治東南宋慶厯間知縣陳傅所創也先時在四明寺
知縣袁符始移今所 國朝洪武初教諭黃受修建景泰六
年知縣楊文端始構其制宏治十五年 縣麥 拓地重

建名宦祠在明倫堂之右鄉賢祠在
側堂之左並廢
城隍廟在縣之東偏宋知縣趙彥恢建
國朝洪武十二年縣
丞陳遜重建

沈尉橋在縣治南宋元祐中縣沈尉所建

南岸橋在縣治南二橋相跨各長四尺

河泊所在沈尉橋之西 國朝洪武十一年縣丞龐益建於橋

北景泰七年河泊官張用成重建嘉靖間移今所

西溪菴在縣治南 國朝景泰三年重建其地溪水清泚林木
繁茂

縣前舖在縣南達於連江者二曰鼇峯曰應德北達於宣德者

卷三

三

求放心齋

三曰護國曰福源曰新豐

崇德橋在縣治西隅宋元豐三年建 國朝永樂六年鄉人鄭

子高等重建作亭其上

陸引宅引字惟遠鯁直寡諧 國朝洪武中有薦其材者召對

稱 旨授象山丞視事二年以勤農事積勞卒先一夕城隍

守廟者寢夢傳呼甚喧新城隍陸丞也驚覺走縣問之引已

屬續宣波志傳名惟遠

環玉館在縣西里許宋丞相余深建爲聚書之所周環皆水故

名今廢深婢阿至大官無足稱者郡城西有宅 刪之

余光庭宅光庭者深之從子也累官光祿寺丞知 邵金人

陷南陽不屈死舉家殲焉

登高山在縣西南其山如伏虎上有巨石坦平可坐數人石上刻清賞二字環植佳木邑人登覽於此舊志石旁有凹昔人構菴其上又有晉塚三磚各印永泰元年始改晉郡爲晉邦凡十一字

忠烈祠在縣西其神陳姓名霸先霍口里人也五代時從于審知爲先鋒戰賊至白塔嶺馬踏被害遂著靈蹟知縣程成建祠祀之宋封護國祐民忠烈王

普賢堂在登高山之旁

南莊背在縣治西隅半里源出尖山金鐘澤合流入南岸洋

卷三

四

求放心齋

社稷壇在縣治西隅隸華坊宋時在縣西北元至大三年改建今所國朝洪武初重建

羣玉峯在縣治之右二百步列石森然故名

水陸寺在縣西篤行坊卽縣舊址也五代周顯德四年建國朝洪武中知縣傅希悅修爲公館後圯成化三年復爲寺內有井泉甚清冽

林興祖宅興祖字宗起元至治間進士累官知鉛山州治聲

然州早有蟲食麥祖爲文以禱螟盡死大雨三日人以爲神林慙孫宅慙孫字達叟少孤事母篤孝人名所居曰孝巷列郡

志

迎恩亭在縣治西北 國朝洪武十四年縣丞陳遜建正統十三年重建

仙人石在縣南三里許相傳有仙遊此足跡尙存元泰定建亭其上今廢石上刻清賞二字 明陳亮詩人烟三市近依縣盤石半空長出雲

鶴巖在縣南拜井里江中與松崎山相對上有佳木蕃茂周迴潮汐浩蕩嘗有鶴結巢其上故名

陳顯伯墓在縣東北臨濟里九龍村顯伯宋官吏部尙書元季爲盜所發有景定三年所賜致仕誥文

杞舖在縣北三里許烟村百家市鬻官鹽

卷三

五

求心校齋

鄭伯淵宅伯淵好義隣里有急不顧利害赴之有溪歲久而塞水無所泄伯淵捐資募鄉人濬之

稔亭在徐公里其地土田饒沃歲多豐稔亭立其中故名 國朝永樂十四年里人重建

後山亭在新豐里 國朝洪武初里人陳明甫建憩行者仁壽井在縣東仁壽坊之左

山川壇在縣治西隅

勸農臺在山川壇之側縣官勸農所築今廢

起步橋在縣東北天廡 前紹興十年建

天慶觀在起步橋之北唐天寶七年建內有八仙亭

丹陽公館在縣南三十里有亭今廢

溪口橋距丹陽里許 明萬厯壬辰僉憲李瑄捐俸助建
余家塘在縣東隅

天妃祠在縣東松崎山

文殊山在縣東隅其山如伏獅宋邑宰林權嘗夢巖中電光四
起明晨往視見石罅中有文殊像遂構殿居之故名山有章
突洞在羣玉峯之西有石突然其上平坦相傳章壽煉丹之
所也有石刻章突洞三字

尖山在縣北東隅有王家林嶺嶺下有碁盤石石如碁局相傳
二仙相奕於此

卷三

六

求放心齋

南華洞在縣東一里許宋林迥有時名爲金華簿歸隱建風月
堂左有天地窩右有錦繡谷 宋陳襄寄題林迥南華洞梅
嶺風前習隱亭拂衣聊此玩真經四時花木錦繡谷十里江
山水墨屏猿鶴只愁空北嶽鷗鵬終待化南溟知君不是榮
軒冕未忍鏘鏘去帝庭

簾山在招賢里濂灣山有石如簾前後有石筍仙人跡感夢泉
山羊鼻石虎雙石通濟橋與簾山爲十奇

飛來石在羅平里山頂一峯突出麓有巨石平如砥小石疊其
上公館以疊石名

仙茅山在徐公里兩山相連曰大茅曰小茅大而高峻嘉樹繁

茂相傳徐登嘗折茅根於上有泥鼓碁盤石山之絕頂有羅
喜洞數丈環石如垣做石如壇級石如磴穴石如盆有泉無
源級之不竭乃徐登煉丹之所也有羅喜洞三字刻於石
仙泉并在縣西祐聖宮之右刻仙泉二字於石凡鄉民有暴疾
焚符調此水飲之立愈 國朝成化十一年知縣施宏重濬
羅川在縣治西百二十步源出蔣山接金鐘潭流入四明溪分
爲三派曰中溪堪輿家謂可制四明毒火 國朝宣德間溷
塞邑屢火災成化十三年知縣施宏重濬之曰南溪曰後張
西二溪交流入松崎港達於海

四明山在縣西隅一名毒火有四峯焉相傳此地赤松煉丹嘗
有人聞絲竹之音碁局猶存上粘牡蠣殼茂林有石洞又有
泉曰窪泉雖暴雨不溢

四明橋在上磨宋紹興二年建 國朝洪武圮成化三年知縣
施宏募建橋之旁有院宋建炎三年建驛於院之側
金粟山在臨濟里山半刻妙喜洞三字於石五代唐清泰五年
建寺

翠雲橋在黃重下里 國朝宣德間建宣劉道人募衆重建構
亭其上

上梅嶺在西隅嶺下有鯽魚巖在平田中高丈許狀如鯽魚嶺
半有亭宋提刑黃鏞建

金鐘山與鐵嶂二山相連在縣西南一山圓如鐘一山峙如屏
禹步石在臨濟里田間巨石有雙足跡長二尺許故名

余元泰宅元泰宋時登甲科嘗采邑先賢事蹟可禪名教者名
曰鐘嶂嘉話其後邑人陳燦又爲補遺燦字文奎事母以孝
聞

龍湫在縣西南金鐘山一在縣南福源山二山相去二十餘里
泉脈相通禱雨輒應

白塔禪寺在鐵嶂山下宋開寶二年建後燬 明萬厯癸酉重
建 明謝肇淛白塔寺石室枕巖阿爐烟敗葉多繡苔雙霞
下擁火一頭陀塔址春藤護山窗夜虎過淒涼神理盡泉咽

似悲歌

梅嶺在東隅三里許有亭 國朝成化元年里人黃勝募建

蓮花山在縣西隅如蓮花覆地故名有聖水巖巖有石洞洞有
小井其泉甘冽愈疾又有奇石二尖秀如筆方平如硯邑人
歲登覽冠蓋相望俯視城市烟樹比屋麟次景物之勝在目
睫間

聖水寺在蓮花山下宋經聖三年建寺中有八景筆硯峯龍虎
巖仙源泉瀾陀石玉井金鐘潭棲雲洞眠鶴亭 宋白玉蟾
遊聖水寺騎鶴來遊衆寶山山中石室水光寒巖前峭壁松
花落午夜月明初煉丹 山僧問我家何在笑指浮雲帶日

斜佩劍朗吟明月下落花流水是生涯

逍遙祠在縣西南石上鐫逍遙洞三字舊有逸人構草堂於此
越一里有地曰甜淡坑相傳民居多壽考前有欄盤石清流
漱之漚漚有聲

石鼓在鼇峯舖後山上一石如鼓宋景祐閒鳴豐年之兆其後
有鳴歲輒稔

崇壽寺在新城豐上里五代唐天成二年建有放生池又一寺
在寶勝山中 國朝宣德二年建

水利渠宋慶厯間縣令陳稱鑿溉民田其利不貲民德之建亭
其旁曰陳公亭

卷三

九

求放心齋

太白巖在臨濟里山巔巨石坦然石下有龕相傳樵者見一叟
烏巾白衣扶筇往來疑大白星也故名

石八娘巖在臨濟里湖頭卽紫霄巖也上有飛來石數層俗傳
神女石氏主之故名

九龍溪在臨濟里舊識沙龍長萬丈先出狀元後宰相其水自
揆村直抵松崎江潮退沙跡蜿蜒今不知其幾許

順懿廟在黃重下里西洋嶺之山其神臨水陳夫人也事具古

田祖廟

天掌山在羅平里中有李翁祠

匹石巖在招賢里匹村一石突然高數十丈相傳有僧名喬坐

遇呂真人於此後飛錫去

龍巖嶺在羅平里嶺旁有泉從石罅中出泉胡角呼駕二切夏有水冬無水曰梁此泉夏湧冬涸故名

英惠廟在河陽村其神姓陳名蘇邑人也宋太平興國中子孫立祠祀之嘉定二年封英惠王賜廟額

黃沙溪在新豐下里源出寶勝山流入松崎港

雙溪渡在縣西林洋里界於懷安古田有溪三派

萬石山在善化里萬石村一名破石山巔左有一巨石如盤上疊一小石如鼓右有一石如籠茂林脩竹映帶左右邑之奇觀

卷三

十

求放心齋

昭佑祠在羅平里石塘神姓黃氏名岳宣德人唐末由鄉貢入太學巢寇入閩避地無所衣食聞岳行誼從之如歸所活甚衆王審知辟爲幕屬不就宋溫篡唐欲致岳爲輔辟不能拒遂赴水死旁邑人立祠祀焉元至正間重建
巨濟橋在羅平里石塘宋紹聖元年建元至正間圯 國朝初重建

南灣巡檢司在招賢里舊在簾山後遷於此今省
烏巖山在招賢里大海濱下有網門

金爐嶂在縣東根盤海中與楊梅灣並峙

閩都記卷之三十二終